

宣威縣志稿

周鍾嶽題



卷之三 輿地志下

卷之四 職官志

山脈

水系

官制

湖泊

古蹟

政畧

坊表

寺觀

物產

動物 植物 礦物

宣威縣志稿卷三

邑人繆果章許澄編輯

輿地志

山脈

宣本瘠土山重嶺複南龍支幹實相盤鬱譬如百骸分自脊骨提領挈綱乃見奇崛

宣境山脉發端於雲嶺之南幹即烏蒙山脉是也由麗江大理楚雄雲南曲靖綿亘盤鬱至霑益縣北境爲花山由花山入境當西南區宣霑分界處爲

梨山 在城西南九十餘里卡郎河西南高約一千六百米突舊志云傳有道人種梨於此實大如碗久之成林然味酸澁經冬入春得之葉底乃回甘味山之得名以是滇繫稱其林木蓊蔚遠望蒼然山下村寨零落分隸宣霑漢回雜居不無畛域兼之地僻土磽艱於生計林深箐密易藏姦宄故馬聯陞丁朝明等負嵎於此寢不可制時勢使然亦地勢然也

又東北行折入霑境爲

炎方山 炎方在縣治南八十里霑境也武營盛時撥有把總一員戰守兵四十三名分防於此宣人以爲借地安汎實則參將防地指定尋霑宣本霑之舊治故設行轅於此主體原在霑也

由炎方分二支入境其東北行者走盤龍河東又分一支北爲

鐘山 在城南六里許地名猗瀾山形如覆鐘下湧溫泉即溫泉湧珠也

州志

其正支東北行爲

打鎖坡 在城東南八十餘里

分一支北爲

石龍山 即縣城東山高出海面二千二百米突南北兩山蜿蜒相接中抱小阜圓如寶名曰寶山下即安司舊宅名河東營東北之麓亂石嶙峋盤旋而上夭矯如龍石龍之名以此境內山高延無逾此者山中有崖名普陀峭壁千尋玲瓏透漏

不可名狀近上一龕廣數十步邑人楊銘鼎建大士閣依石壁飛椽半簷爲一邑勝境閣傍一硿可列坐數十人凭欄俯瞰一邑煙景宛然在目崖上平敞里許蒼松翠柏參天拔地驕陽所不能到梵宮一院州志黔國公演兵校場遙見玄天上帝披髮仗劍顯像於此因作廟俸之荒誕之說雖不足信惟勝地之闢自沐公始殆無可疑山門內樓分左右晨鐘暮鼓以儆衆焉外殿背光與真武殿之兩廊接循廊鑿池石甃之範以欄皆貞珉浩淼清波魚蝦所適人至此俗慮全消過小橋歷崇階見有神像猙獰排列左右上面寶座神其說者謂係九龍之窟術士以法制之覆以釜鎮以真武祖師而龍始安其所無倒山陷地之虞座下有水泔泔浸出暗溝引之使通於池由池外洩數百武跌崖而下西照射之微風捲之如珠簾之掛壁又如金錢之飛灑殿後有玉皇閣相傳黔國公卜築本非此地椿桒忽飛至此迹而得之因改就之種種譌言不足據也

石龍之系北抵黃鶯硿龍硿河東折處而止正支自打鎖坡東北行走勾諾河以東北

走海岱冲又東北入貴州境是爲東北支

其北支自炎方山分向北行爲

高坡頂

在城南四十五里宣霑分界於此

此就大概形勢而言

山形聳拔林木葱鬱登其頂則

會澤之雪山恍然在目惟土磽确而氣候荒寒故其上少有居人盜賊利其僻行旅畏其阻焉

折東北走乾河以南爲

龍山鋪山

龍山鋪即板橋清以前並置塘鋪路當通衢故也

又東北爲

母猪山

在城南二十五里山有亂石中一大石如猪母羣小如子亦造物之奇也

又東北至乾河會宛水處而止是爲北支

大幹自炎方山西北行爲

火石坡

在城西南三十五里其石細嫩而有花紋邑中各種石料多取給於此

其西有

象嶺山 在黃路冲

朝陽硿 在黃路冲村西里許中建梵宇詳寺觀欄

自火石坡分一支西行走赤水河南西走水晶坪德澤西抵車滄江而止又自火石坡北分一支東行走乾河北上海子南東爲

灰硿 州志作匯東在城西南二十五里耆舊侯啓元故宅在焉

又東爲

窰坡

合北支

在城南里許鄉賢楊維政故宅在焉去宅百餘武有

鄉賢吳承伯墓

坡上名人冢墓頗多不備載

大幹自火石坡又北行走

高梔槽 在火石坡北

分一支東行走上海子北老堡冲費家冲南東走長官路又東爲

窰坡 見前

分一支走窰坡水南乾河西爲

廟山 在城西南二里許

鳳凰山 在城南四里許其形飛舞如鳳

螃蟹坡 在城南三里許道傍一石橫踞如蟹坡上有鄉賢繆良玉繆文龍父子墓

金馬山 在城南三里許形如天馬

東走小耿屯抵盤龍河而止

近村處山麓爲或層紫紅石壁人呼爲金晶石

又自窰坡分一支走窰坡水北老堡冲南東至縣城南兩水會處而止

大幹又自高槐槽北行爲

槍桿坡 在城西五里明潁川侯傅友德在此息兵插槍於上故名

馬家山 在城西三里

又北爲

磨盤山 在城西十餘里山形盤旋如磨岡廻嶺複綿亘甚遠循山脊北通禿頭梁子南入梨山盜匪之出沒無定故年來往往發生搶案

分一支東行走花椒園北又東走老堡冲北又東走費冲北又東走夏官冲北東爲

獅山 在城北十三里即夏官冲之東山

又分一支折東南行爲

美煥山 在城北五里即縣治主山也至是撒落大坪縣城枕乎其北上州志云山之南有碗花廠嘉慶末或於祠中得一石圓如栗偶置饋盤中踰時得水數匙更移置他器復得水於時儕輩爭奪隨石上出小素蝦騰擲宛轉旋化爲石殼中尙有水迹也案此可作化石參考惜其石不傳

浦家山 在城北八里

東抵盤龍河而止

一支自獅子山東走來賓舖南十里舖北爲

斗山 在城北二十餘里州志云山頂平列七巒狀如北斗

又東走何屯河南東走朱屯母屯而止

大幹自磨盤山北行爲

黃旂岡 在城西北二十里

其旁有

觀音山 在城西北二十里州志云山頂雲生即雨其應如響

磨盤黃旂之間有

象頭山 在城西十餘里州志云宛然如象耳鼻皆具

半山 在城西十五里州志云半爲圓阜半爲削壁望之儼如半山

支朶山 在城西二十餘里中有石硿層疊如樓可列坐數十人四面光皎如屋壁
跌水岩 州志云在支朶山左相間一里許兩水交匯瀉崖而下狀如正練飛跌處

間似珠簾亦佳境也

自黃折岡分一支東行爲

左松坡 左一作祖其山在城北二十三里

來賓舖山 在城北二十五里明監察御史李珉墓在焉

又東北走

石了口 在城北四十里

分一支走何屯河北徐屯河南東走何屯夏屯抵盤龍河而止

正支自石了口北走

龍祠 在城東北五十里祠高數仞河水自祠流出灌田甚多東流折入盤龍河祠

口頗多題咏

又分一支東爲

楊家山 在城北五十餘里

又東走徐屯河北東走平川爲

吳山 在城東北五十里一峰突兀怪石崢嶸先年居民避兵其上有石城參看定民保姑竜條

東抵盤龍河而止

正支自龍祠北走通南舖又北走舊堡子又北走七里店一支打東北走倘塘河爲

馬鞍山 在城北六十里

又分一支東行爲

光山 境內光山有二一在西南區馬戛响宗之間係由高規槽分支西行經柏木口之一系此則中北區貢戛藍堪等處之光山也其山又分爲二近南曰光山稍北曰老光山其高度爲一千九百米突

又東走格宜分一支南行走大海子西樞子樹又折東行走大海子南舊營又東走以把洛又東北走抵河而止

一支自格宜走大海子北東北行走芝眉

一作芝墨

大浪者

大一作達

東北入貴州境

又白馬鞍山分一支沿倘塘河東北走皂衛河南爲

龍山坡 在城北一百餘里州志山勢綿亘百餘里如龍稠疊萬松儼然米家畫圖也

又東爲

鷓鴣山 在城東北百四十里前清尋霑營曾設汛防於此

又東行入貴州界

又一支自七里店北走倘塘河西北走老鴉林新添舖又北走水塘舖爲龍山坡又東北走夸都東北至皂衛河入可渡河處而止

以上叙中北及北區山系

大幹白黃旂岡北走爲

分水嶺 在城西北三十里嶺南之水注車滄江嶺北之水注北盤江

自分水嶺分支北行走次羅又北走開備村又北走圍幃河東抵河而止

一支西北行爲

象腳迹 在城西七十里

又西北走迭布羅又西北走

斷山口 在城西七十餘里

北至斷山口河會得基河處而止

大幹自分水嶺西行爲

大幕山 在渣格距城五十里對峙其間者有平頂山舊志云大幕山之雄也平頂

山之雌也雄雲則晴雌雲則雨此間人歷候不爽

又西爲

三台祠山 在城西七十里下臨西澤河懸崖峭壁祠府天成上下三台玲瓏透漏

邑人審曲面勢飛椽走楹架樓閣以潤色之遊其上勢若凌虛岌岌乎恐墜也歷其境倏暗倏明倏而幽徑旁通倏而石磴上達倏而寬宏如登廣廈倏而窄逼疑少洞天仰視則石懸所結種種怪狀不可方物計祠中全部可容三四百人

山對面有

仙人硿

州志西澤仙人硿兩壁對立隔丈許上橫木梁非人工所能到風雨剝蝕歷劫不朽相傳此中有隱君子頗與外間通有無事詳異聞欄

又西走色空井田塢折北行走扯必籠又北爲斷山口折西北走諸戛又西北走宅脚又西北走白沙坡西北走瓦碓河源北入貴州威寧境一支沿可渡河北東行爲

西山 州志在城北一百二十里可渡河西洞壑蒼然頗足遊覽

又東爲

翠屏巖 在城北一百三十里可渡河北高度一千七百米突州志峭壁萬尋方正不倚上多草木疏密掩映儼然畫屏雪月夜景眺覽尤佳吳梅村詩可渡橋邊萬仞山即此上有楊升庵摩崖書參觀金石欄巖半有趙烈女懷英墓

東走貴州威寧境

以上西區及西北區山系

○上項山系起訖本之通志與鄉先輩土守成所著山川考常有出入參觀藝文

其西阿爾非人皆飲水

其西阿爾非人皆飲水

其西阿爾非人皆飲水

河流

宣邊之水包西北東東曰拖長西則車潯北有可渡下游木冬盤龍在腹血脈流通

宣境腹地之水以盤龍河爲最大其源有二在板橋西者曰

西河 其起點處在梨山東麓東北流爲二道河至小石缸西爲歸沙河又東北爲綠水河又東北至箐門前爲西河西河之水仍東北流至小板橋右納大塘子水

有南北二源南源出黃路冲北源出上海子會於大水塘東流至小板橋

又東北流至雙垠會東河

在板橋東者曰

東河 發源於母官屯西北流經歌樂營東屯龍津溝至板橋東爲東河至雙垠與

西河會

二河既會東北流至小耿屯右納

溫泉水 在城南六里許清水一泓隆冬氣暖州志所謂溫泉浴暢者也

又東北流至望城坡

山河橋水 在城西南二里許廟坡窰坡東面之水匯而南折而東者也

自西入焉自此以下俗皆稱爲東河一曰大河又北流至城東南里許

宛水 俗稱西河其源有三一出青茨溝經費冲至老堡冲號魁閣河一出磨盤山

麓東流經太陽冲至花椒園號石板河至戴德村南右納閭屯水流漸大號官渠

河一出夏官冲南流經陶官坡號乾河三河匯於上堡西門外爲西河又南流經

下堡南門外穿五福橋

明末清初斯河號稱堡子一曰普滋以其流經上下兩堡故橋名因之

再南穿保安橋漸折向東與東河

匯邑人以斯水形勢曲折宛轉名曰宛水

自北來折向東北注之又北流爲盤龍河經村屯數十烏撒後所三百六十分屯田在其左右又東北流過母家屯左納

左所河 在城北十五里源出范屯南流經虎頭山北沿左所西北入河

又東北流至大屯左納